

禹貢九州今地考

過冀州之南東北流別詳兗州下九河逆河並別見兗州  
又案今漳河自臨漳入成安東入臨濟其北分一支出廣  
平南曰老漳河又東北經山東邱縣東出冀州南河間南  
北會胡蘆河其自邱縣分支出廣宗東南宮東入甯晉泊  
亦曰漳河疑是禹河道也留以俟考山西水道以黃河爲  
主黃河自蒙古鄂爾多斯東流入五原東勝二廳界折南  
流經甯武府偏關縣又西南流至保德州太原府地又南  
經汾州府陞州又南經平陽府吉州禹貢壺口在焉又南  
至絳州河津地龍門在焉又西南經蒲州府自保德至蒲  
州皆與陝西分河自此折東北流繞過蒲州南又東北經  
解州南又出絳州南東入河南懷慶府界黃河之東則汾  
水源出自甯武府南流經忻州地折東南經太原府地禹  
貢太原正在其東又西南經汾州府霍州太岳在焉又南

經平陽府地至絳州折西流入河汾水之東源沱河源出  
代州東西南流轉東南流入平定州界汾水滹沱之北桑  
乾河源出朔平府地又東北過大同府入直隸宣化府界  
又北則洋河源出蒙古察哈爾東南流入大同府地又東  
南入宣化府界汾水之東沁水出沁州南流過平陽府地  
又南過澤州府入河南懷慶府界沁水之東滹沱之南二  
漳水一出潞安府一出遼州俱入河南彰德府界又案禹  
貢言既載壺口治梁及岐又導山言汧岐荆壺口雷首太  
岳砥柱析城王屋太行恆山碣石皆禹施功之處攷諸山  
自汧岐荆外餘皆冀州山也然壺口易明梁岐難明諸山  
易明碣石難明愚謂梁山胡肫明從鄺善長說以龍門爲  
卽梁山言與韓城西北之梁山迤逦相屬是也然何以不  
以此例狐岐謂永甯迤南而西石門諸山與狐岐相連屬

者乎知此則無疑於蔡傳之說矣碣石臚明專主鄭注淪海之說然秦皇漢武所登魏武亦有東臨碣石以觀滄海之文在禹貢並列於導山之條必非培塿之比通典猶言在盧龍亦難以言淪沒今臨榆縣西南三十里有秦皇島當卽秦皇所登之碣石惟刻文未見耳唐時臨渝蓋亦屬盧龍故言在盧龍也島夷皮服括地志言島夷爲韎韐等夷則其貢道必浮海以入河望島東來故言夾右夾右者言趨大地與孤島之間有如夾然又右倚碣石而行古海舟多循岸行不似今舟得凌海進也雷首在蒲州南亦曰首陽山亦曰中條山自此而東爲砥柱在解陝河中又東北爲析城王屋在懷絳界轉北爲太岳在霍州又北則爲恒山在大同代州保定正定諸地然惟太行最遠述征記言太行入陘首起河內北極幽州括地志亦言太行連互

河北數千里則包今彰衛懷澤潞正定保定宣化以達順  
天皆得被以太行之名並恆山支阜亦名以太行矣似又  
與禹貢不合然未能流別也

冀州今地分列

京師順天府大興宛平縣倚東白河又東薊運河西永定  
河又西琉璃河下流合拒馬支河爲白溝河東淀在其南  
西淀自保定府流爲中亭河會同河來注之玉河在城西  
經城東自東便門東流爲大通河入於白河府領五州十  
九縣薊州在薊運河東平谷在河北三河在河西寶坻甯  
河在河西及南密雲香河在白河東懷柔順義昌平通州  
皆在河西武清東安皆在東淀北霸州在淀西中亭河北  
保定文安大城在淀西南會同河南固安永清在永定河  
西房山良鄉在琉璃河東涿州在拒馬支河南

直隸省保定正定道治保定府清苑倚滹河自府西及南而東豬龍河又在滹河之南北有易水下流合白溝河在其東又南流入西淀領二州十三縣新城在白溝上游西定興在易水東雄縣在西淀北容城安肅在淀西北安州在淀西高陽在淀西南蠡縣博野祁州在豬龍河北滿城完縣唐縣望都在滹東東鹿一縣爲華離地在正定府冀趙深定四州間滹沱舊河自藁城來出縣南一支東南流經衡水縣爲胡蘆河也

易州直隸州涑水自州西經其北而南包州東易水過州西領二縣廣昌涑水所出涑水縣在涑水東

正定府正定縣倚滋河在府北沙河又在其北滹沱河過府城南而東經藁城北入保定府東鹿縣界領一州十三縣阜平在沙河北行唐在河西新樂在河東無極在滋河

北鹽壽在滹沱北井陘平山獲鹿藁城樂城元氏贊皇皆  
在滹沱南晉州在藁城東滹沱東

趙州直隸州滹沱舊河在其東北甯晉泊在其東南治河  
自欒城來過州南入於泊領五縣甯晉在泊西北隆平柏  
鄉在泊西南高邑臨城皆在治河南

深州直隸州上承東鹿滹沱舊河入河開府胡蘆河在州  
東南州在舊河西北領三縣武強在胡蘆河西舊河東安  
平在舊河北饒陽在安平東舊河西

定州直隸州滹河在其東北沙河滋河在其西及南州城  
在滹河西領二縣曲陽在滹河西深澤在滋河南

宣張獨多道治宣化府宣化縣倚洋河在府西而南桑乾  
河又在其南合東南流白河源在其東北領三州七縣萬  
全在洋河北懷安在河南西甯保安在桑乾北蔚州在桑

乾南延慶懷來在桑乾東赤城在白河西龍門居白河上源也

獨石口屬白河所出南入赤城

張家口屬在洋河北

多倫諾爾屬在上都河北

熱河道治承德府灤河自府西而南領一州三縣灤平在府西南灤河南豐甯在府西北灤河西平泉在府東灤河東隆化關

朝陽府大凌河出府西南東北流至府南而東老哈河出府西北流而東西喇木倫河在其北領四縣建昌居大凌河源建平在老哈河南阜新綏東關

赤峯直隸州英金河出州西東流會老哈河西喇木倫河在其北領二縣州城在英金河南開齊縣巴西縣關



圖場廳居英金河源

永平通薊遵道駐通州通薊已見順天府下

永平府盧龍縣倚灤河在其西南流入海大海在其南及東領一州六縣樂亭在海西北臨榆撫甯昌黎在海西遷安在灤河東灤州在河西

遵化直隸州有沽河入薊州薊運河領二縣州在沽河北玉田豐潤在河南

大順廣道治大名府元城大名二縣倚漳衛諸河交流治左右領一州六縣餘別見兗州下

順德府邢臺縣倚大陸澤在東沙河出府西經其南東北入大陸澤領九縣沙河縣在沙河北鉅鹿在大陸澤東平鄉在澤南南和任縣在澤西南唐山內邱在澤西北餘廣宗縣別入兗州

廣平府永年縣倚漳水自河南臨漳縣流入成安縣界東  
分支在府東南者曰老漳河溢水出府西南磁州分支包  
府治而北一達甯晉泊一達大陸澤潞水自河南武安縣  
流入府西而北達大陸澤領一州九縣曲周雞澤亦在二  
溢水內磁州在溢水北邯鄲在溢西肥鄉在溢東成安在  
漳水北廣平在老漳河北餘威縣清河別入兗州

天津河間道天津府別入兗州

河間府河間縣倚滹沱分河自深州來過府城南東北入  
任邱至保定縣合會同河曰古洋河胡蘆河又在分河南  
領一州十縣任邱在分河西肅甯在府西獻縣在胡蘆分  
河中餘州縣別見兗州

盛京錦州府錦縣倚海在其東而南大凌河自直隸朝陽  
府東流入義州折南出府東又東南流入海小凌河亦自

朝陽來東流過府城南折南入海領二州二縣甯遠綏中  
在海北義州在大凌河南廣甯在大凌河東

河南彰德懷道懷慶府河內縣倚黃河經府南丹水白山  
西澤州府北流入府東北又東流入衛輝界沁水自澤州  
府流入府西北過其北而東入河濟水出府西東北流入  
河領入縣脩武在丹河北武陟在沁河南濟源在濟水南  
孟縣在濟南餘原武陽武溫縣別入豫州

衛輝府汲縣倚衛河上爲懷慶丹水東北流過府城東北  
行淇水自山西潞安府來東南流人之又東北入彰德府  
界領九縣獲嘉新鄉在衛河南輝縣在衛河北淇縣在淇  
水西濬滑在衛河東延津在府東南封邱在延津東南黃  
河北

彰德府安陽縣倚濁漳水出山西潞安府北流轉東清漳

水出遼州東南流會於府西經府北東北流入直隸廣平府界衛河自衛輝府流入府東南入直隸大名府界領七縣湯陰在府南武安在府北林縣在濁漳南涉縣在清漳北臨漳在漳水東南餘內黃縣別入兗州

山西省太汾潞澤遼沁平道治太原府陽曲縣倚汾水過府城西領一州十縣太原文水交城在汾西太谷榆次徐溝祁縣在汾東其岢嵐州嵐縣興縣中隔汾州忻州地而西臨黃河有岢嵐河入河

汾州府汾陽縣倚汾水過府東西有黃河離石水源出永甯州北西南流入河領一州七縣平遙介休在汾東孝義在汾西臨縣石樓在黃河東永甯州在離石水東甯鄉縣在水南

潞安府長治縣倚潞水在府城西卽濁漳也出長子縣發

鵠山東北流至襄垣轉東南又東入河南彰德府林縣領七縣壺關潞城在潞水東長子屯留襄垣在潞水西黎城在潞水北

澤州府鳳臺縣倚沁水自平陽府境來在府西丹水出高平縣過府東領五縣高平在丹水西陵川在丹水東陽城沁水縣在沁水西

遼州直隸州清漳水出其州西北過州城西入河南彰德府涉縣領二縣榆社在漳西和順在漳東

沁州直隸州沁水源出州西北流入平陽府領二縣州及武鄉在沁東沁源在沁西

平定直隸州漳沱河自代州來過州東北孟縣流入直隸正定府領二縣孟縣在州西北壽陽在州西

大朔甯忻代保道治代州大同府大同縣倚桑乾河在府

南有御河自府北來入之洋河在其東北滹河出其東南  
領一廳二州七縣天鎮陽高在洋河南豐鎮廳在御河東  
懷仁在桑乾河北山陰應州在桑乾南渾源州滹水所出  
靈邱廣靈在滹北

朔平府右玉縣倚桑乾水在其南紅河出平魯南北流入  
和林格爾廳領一州三縣朔州桑乾水所出平魯左雲皆  
在紅河東

甯武府甯武縣倚黃河在府西北汾水出其南管涔山大  
淵河出府西西流入保德州境領四縣偏關在黃河東神  
池在府北五寨在大淵河西

忻州直隸州汾水在其西滹沱自代州西南流入境復東  
北流入代州界有牧馬河東北流入滹沱領二縣州及定  
襄皆在牧馬河西靜樂在汾水東

代州直隸州滹沱河出其東經州城南而西南流復折東  
抱州南境領三縣繁峙縣在滹沱北崞縣在滹沱西五臺  
縣在州南滹沱北

保德直隸州黃河在其西大澗河自甯武府來西流入河  
領一縣州及河曲縣皆在河東

蒲解絳霍陞道治解州平陽府臨汾縣倚黃河在其西  
汾水經府城西而南澮水出府東南西入汾領一州十縣  
岳陽浮山洪洞襄陵在汾水東翼城曲沃在澮水北太平  
在汾水西吉州鄉甯在汾水西其汾西一縣屏入霍陞二  
州之中在汾水西

蒲州府永濟縣倚黃河抱其西而南涑水自解州來經府  
南西入河領六縣榮河臨晉在黃河東萬泉猗氏在涑水  
北虞鄉在涑南

解州直隸州黃河過其南而東涑水自絳州流入境西入蒲州府領四縣平陸芮城在黃河北州及安邑夏縣俱在涑南

絳州直隸州汾水自平陽府南流經州城北折西流入黃河黃河在州西經蒲解復流入州境東南涑水出州東流入解州領五縣州及稷山在汾水北河津在汾水北黃河東聞喜在涑水北絳縣在涑水南垣曲在黃河北

霍州直隸州汾水在州西領二縣靈石趙城皆在汾東

隰州直隸州黃河在西領三縣永和太甯燕皆在黃河東歸綏道治綏遠城領十一廳黃河在其西黑水河自其東經治南而西黃水河自其東南而西合流入河紅河自朔平府北流入境轉西流清水河入於黃河歸化廳在黑水河北武川廳在綏遠城北踰陰山陶林廳居黃水河源甯



禹貢九州今地攷一卷一

遠廳和林格爾廳皆在紅河東清水河廳在清水河南五原薛拉齊托克托廳皆在黃河東東勝廳在黃河西興和廳別在大同府豐鎮東北接察哈爾右翼四旗地有昭哈河下流爲東洋河入直隸宣化府界

兗州

兗州今直隸山東河南之交禹時水道北爲徒駭河大河經流也今爲冀直北河之胡蘆河合南運河北運河入海之道詳見直隸篇其南則爲濟水濟水自漢志言軼出滎陽北地中胡氏遂言東出於陶邱北爲濟水伏流重見並力破釋溢爲溢滿釋出爲經過之說竊謂此言濟水入河復言爲滎東出與漢旣入江復言東滙東爲北江皆未免致人疑經鄙見則以爲滎澤之水之溢滿緒爲澤者別見豫州其自澤流出爲濟水亦曰滎水自是經過陶邱之北

別無他義蓋濟苦不言入于河則言伏地自河底軼出爲澤可也經明言入於河矣豈有旣入河中復穿地底出澤中之理且又何以辨之乎與其言冥冥不如言昭昭也且經言浮於濟潔達於河言或濟或潔皆可達河也胡氏堅執禹時無出河之濟遂自濟達潔自潔達河此亦未有明證又可信其必然乎今據經立訓河北之濟已見冀州河南之濟自滎澤引水經今原武陽武封邱南開封北皆行今大河道但至考城當別東行至曹州府南定陶北今謂之趙王河者疑卽古濟水也荷澤當在今荷澤縣東連鄆城地經所謂至於荷今鄆城亦有趙王河東南流至嘉祥縣下入魚臺乃荷水之分流爲淮泗達荷入濟之道濟水又東經兗州府汶上縣之西又東北經泰安府之東平州西舊汶水來注之又東北入東阿平陰肥城之北又爲今

黃河道矣又東北經濟南府長清之北齊河之南歷城之北此皆今黃河道自此別行東過章邱北又過鄒平新城北爲今小清河道又別行東北過青州府高苑博興樂安東入海此亦舊小清河道也河濟中大者曰九河胡觚明言九河不可悉數惟徒駭河最北鬲津最南舉二端可以括其中也愚案徒駭河之名以經南宮爲始其自南宮東分者曰鬲津河過冀州南宮縣之南東北流經河間故城縣南絕今南運河斗入山東德州地又東北仍入直隸吳橋地又過甯津縣及天津府鹽山慶雲南東北入海今曰老黃河亦曰無棣河卽古鬲津河也但此水今惟自南運分水不始自南宮耳逆河今不知其處胡氏以渤海當之謂古狹而今淪海口廣意或然也九河既相去二三百里則是逆河亦不狹矣非渤海又焉得有二三百里之河

以納九河之流哉此爲直隸最窪下之地自禹通九河以  
分其勢而後恆衛從而大陸作此兗州之九河既道與冀  
州之恆衛既從大陸既作相表裏也其次曰漯水漯水始  
分河於胥宿口今濬縣地也水行今濬滑間地東流過今  
直隸大名府清豐開州南又東北至山東曹州府濮州北  
今有水謂之澶水又別行北過范縣西朝城東北又北過  
東昌府莘縣堂邑清平高唐東鄆城往平博平西又東北  
過濟南府禹城北臨邑南今謂之大土河亦謂之徒駭河  
非大河經流之徒駭河也又東別行至濟陽縣南行今黃  
河道又東北至齊東縣北經武定府青城北皆爲今黃河  
昔大清河道然漯水下流古行蒲臺之南東入海今黃河  
挾大清河過蒲臺北以入於海亦非古漯水道也今又有  
雷夏澤古荷澤縣西北爲趙王河所經濟水經流則自此

遂北達東平也攷元和郡縣志言雷澤在雷澤縣北郭外唐雷澤縣當在今濮州東南唐濮州在今濮州東二十里若今雷澤則地望雖同但經不言其入濟當更在今雷夏澤之北非此澤卽古雷夏也澠沮二水今亦消滅元和志言二水會同此澤今遂不可考耳攷今數府水道惟南運河足爲其綱南運自兗州府汶上縣分汶南北流此明人塞汶水北流以全入運非汶水舊迹也自此西北行泰安府東平東阿西絕今黃河而北過壽張陽穀東東昌府城東至臨清州城南有漳河自河南彰德府臨漳縣流入直隸廣平府成安縣過大名府城北衛河自內黃縣流入大名府城南至臨清州館陶縣合流又東北至州城來會又北貫城出武城西又東折北過東昌恩縣西又北過直隸河間府故城南又北過山東濟南府德州西又東北過河

問景州東東光南皮西又東北過天津府滄州西青縣東古黃河自此入焉自此北趨靜海東轉東至天津府城北入海矣今黃河爲境內大水自河南歸德府考城縣東北流入直隸大名府長垣東東明西又東北過山東曹州府濮州南又東北至泰安府東阿平陰北又東北至濟南府長清縣西又經府城北自東阿至此皆古濟水道自此而東北至濟陽南齊東北則又古漯水道又東北至武定府入海南運河西有張甲河故瀆亦曰清河今謂之老漳河自廣平府廣平縣分漳水經縣東又東北入山東臨清州邱縣界又東北過廣平府威縣又東北臨臨清州地又東北過廣平府清河縣東又東北過故城景州阜城西交河東入於胡蘆河南運河東有大土河上流自聊城分運河爲古漯河道其異者自禹城臨邑南東北流入武定府商

河北又自濱州北入海爲不同耳又馬頰河亦自清平西分運河東北流經濟南府平原陵縣德平北又東北入陽信海豐開北入海

兗州今地分列

直隸天津河開道治天津府天津縣倚海在其東北運河在府城北南運河在其西來會老黃河在其南減河自滄州分南運河至岐口入海領一州六縣青縣在南運河西靜海滄州南皮在南運河東鹽山慶雲在老黃河北河間府交河縣胡蘆河在其北東光吳橋在南運河東甯津在老黃河南阜城景州在老漳河東

冀州直隸州老漳分河在其西甯晉泊在其西北胡蘆河在其東北領五縣南宮在州南新河在老漳分河東甯晉泊北棗強在州東衡水武邑在胡蘆河南

順德府廣宗縣在老漳分河之東

廣平府威縣在老漳河西清河在老漳東

大名府清豐縣在衛河東澶水在開州南東入山東曹州府濮州東明在今黃河東長垣在黃河北

山東省濟東泰武臨道濟南府城以南別見青州其在兗州者齊東在今黃河南濟陽在今河北禹城在大土河南臨邑在大土河北平原在馬頰河東陵縣德平在馬頰南德州在南運河東

東昌府聊城縣倚南運河在府城東有大土河馬頰河皆在府東領一州九縣堂邑莘縣冠縣館陶皆在運河西在平博平在大土河南清平高唐州在馬頰河東恩縣在馬頰西

泰安府平陰東阿以北地今有黃河



武定府惠民縣倚海在東北今黃河在府西南而南而東  
徒駭河卽大土河也在府南及東在今黃河之北及西馬  
頰河在府北領一州九縣青城蒲臺在今黃河南利津在  
河北商河在徒駭河北濱州在徒駭河東陽信霑化在馬  
頰河南海豐在馬頰北樂陵在老黃河南

臨清直隸州運河貫城中西以馬頰河與東昌界領三縣  
武清在運河東夏津在馬頰河西邱縣在老漳河西

兖州府壽張陽穀均在今黃河北

曹州府荷澤縣倚黃河在府西趙王河在府南領一州十  
縣朝城觀城范縣濮州在今黃河北定陶在趙王河南餘  
分見徐豫州

河南衛輝府濬滑延津皆在今衛河東封邱在今大河北  
懷慶府陽武原武溫縣皆在今大河北

彰德府內黃在今衛河東

青州

青州今山東登萊青諸地今地水道以黃河爲大其自東  
阿東北至歷城行古濟水道已見兗州案大清河上源自  
東平州西流經東阿縣西東北流爲大清河今黃河自咸  
豐五年決河南考城改行此河者也濟南以下則行兗州  
之地又小清河今出鄒平縣東南屈流至城北其下亦行  
古濟水道別見兗州惟其先小清河源出歷城西及章邱  
之獺河繡江今皆入於黃河不注小清又自新城以下行  
高苑南又非古濟水道也其東則淄河出青州府博山縣  
東水北流經臨淄縣東又東北流爲清水泊會小清支河  
入於海又東瀾河亦曰巨洋河出臨朐縣南穆陵關北流  
至樂昌縣北入於海又東濰河出沂州府莒州北東流至

青州諸城西北又北流經萊州府昌邑縣東入海又東膠河出膠州西南北流經高密西又北流經萊州府掖縣西入海其新河自高密東分水嶺東流至膠州又南流入於海灣又東有大小沽河自登州來至萊州府東南西南流入膠州海灣案經言青州以海岱爲界自通典以高麗屬青州胡朮明用金氏說以爲卽嶠夷又引通鑑唐高宗伐百濟以新羅王爲嶠夷行軍總管爲證顧宛溪又以爲遼東並屬青州今案禹貢言嶠夷旣略卽堯典之嶠夷秦時曰主祠成山正當其地今在登州之東據經以海爲限無緣逾海而東也蓋嶠夷旣略今登州府地也略說文云經略土地也嶠夷偏東最遠故須經略之濰淄其道今青州府地也又曰萊夷作牧今萊州府地也惟青州在岱陰汶水在岱陽何以浮汶達濟且濟水爲青兗之界清自可浮

濟何必達道由汶乃入濟乎況尤於登萊不便胡氏因以原山延袤跨青徐境汶雖徐水其發源猶爲青域解之又引曾氏言朱虛縣泰山有汶水入濰則於達濟更爲南轅北轍竊謂讀經若此類闕疑可也

青州今地分列

山東省濟南府歷城縣倚今黃河在其北小清河在其西領一州十五縣長清在府西南黃河東章邱在小清河西鄒平新城長山淄川皆在小清河南餘州縣別見兗州登萊青膠道治萊州府掖縣倚海在府城北膠河在其西濰河又在其西東南有大小沽河領一州三縣平度州在府南膠河東昌邑濰縣在濰河西

登州府蓬萊縣倚海環府三面領一州九縣府城及黃縣福山甯海州皆在海南文登萊城在海西萊陽在海北招

禹貢九州今地攷

卷一

遠在黃縣南棲霞在福山西南海陽在福山南

青州府益都縣倚府南北皆際海濶河在其東淄河在其西小清河在其北濰河在其東南領十一縣博興高苑在小清河北樂安在小清河南博山在淄水西南臨淄在淄西臨朐在濶河西壽光在濶北昌樂在濶南安邱在濰西諸城在濰東

膠州直隸州海在其南膠河在其西膠新河在其北沽河會新河在其東領二縣高密在膠河西卽墨在沽水東南泰安府肥城平陰東阿皆在今黃河南沂州府日照縣東臨海莒州沭河出其北

徐州

徐州今山東安徽之交其水淮爲大今考淮自安徽潁州過鳳陽府又南過泗州地又東爲洪澤湖營自淮安府清

河縣合黃河自安東南阜甯北入海今遂無下流迤東南  
漫入於白馬寶應諸湖由江北運河以達於江次則運河  
上承汶水汶水出山東泰安府萊蕪縣原山過府城東南  
經兗州府甯陽縣北又東南至汶上縣爲南旺湖灌輸運  
河河自此分南北流北流者爲北運河自直隸言之則自  
又爲南運河矣運河自此經東平州西又北至東阿西絕  
今黃河北接兗州之域其自南旺湖南流者曰南運河又  
南泗水出兗州府泗水縣陪尾山禹貢所謂至於陪尾者  
也西流經曲阜城北又西至府城東折西南至濟甯州地  
入於運河案泗水舊自州南行運河道至南陽關經魚臺  
縣東谷亭鎮名谷亭河又南荷水自嘉祥鉅野東從南流  
注之今亦曰趙王河說文所謂浮於淮泗達於荷是此水  
也泗水既會荷水折東南流經徐州府沛縣東又東南經

府城東又東南爲呂梁洪是出磐石所謂泗濱浮磬者也  
今石皆鑿平又東南經舊邳州東南沂水出山東沂州府  
沂水縣沂山西經其縣西而南又南經府城東又東南經  
郯城縣西過徐州府今邳州東又南來會泗沂既合流又  
東南至宿遷縣南又東南至淮安府桃源縣東又東南至  
清河縣入淮所謂東會於泗沂又言淮沂其又而不及泗  
者舉沂以括泗也自黃河南徙由山東單縣過徐州奪泗  
入淮乃別開運河於濟甯州南南陽關之東東南經兗州  
府滕縣西昭陽湖又東南至夏鎮爲夏鎮河又東南至嶧  
縣東而南又南至今邳州地會沭河又南至今邳州西舊  
邳州東又東南受駱馬湖水湖沂水之尾閭也先時運河  
自此經阜河過舊邳州南達徐沛魚臺矣後名此水曰舊  
漕河今則魚臺荷水全入微山湖沂泗皆以助運泗水遂

無入徐城之道黃河亦復北行不由此矣運河自阜河東南過宿遷縣北而東又東南至淮安府桃源縣東又南而東至清河縣逾舊河淮接江北運河沂水之東爲沭河水亦出沂水縣沂山西東南流折西南過莒州東又南流過郯城東入江蘇海州西又南折東分爲青伊碩項諸湖環州南東入海淮水之北渦河自潁州府流至鳳陽府西入淮澮河自河南歸德府永城縣流入鳳陽府界又東過泗州地入淮睢河自徐州碭山縣南流入鳳陽府境東流爲土山湖又東過泗州南入洪澤湖又淤黃河自山東單縣北過徐州府北又東過宿遷縣自宿遷南至清河皆與運河隔堤並行又合淮水入海今就淤又經言蒙羽其藝蒙山今沂州府蒙陰縣南下有顗與城羽山今海州贛榆縣西羽畎卽其山之畎也又云大野旣豬東原底平大野今



曹州府鉅野縣西古有大澤今湮東原今泰安府東平州  
在古汶水之北左傳所謂汶陽之田卽此原也又言嶧陽  
孤桐嶧陽在今邳州漢志以爲葛嶧山也又云淮夷徐揚  
二州近海之地皆有之也

徐州今地分列

山東兗沂曹濟道治兗州府滋陽縣倚今黃河在其西北  
運河在其西汶水在其北而西泗水自府東北經其府東  
而南領十縣汶上在汶水東甯陽在汶水南泗水縣曲阜  
縣在泗水南鄒縣在曲阜南滕縣在鄒縣南嶧縣在滕東  
南餘壽張陽穀入兗州

沂州府蘭山縣倚海在東沂水自府北而南東汶河自蒙  
陰縣西南注之沐河亦自府北經其東而南領一州六縣  
沂水縣在沂河東蒙陰在東汶河北莒州在沐河西其北

地屬青州日照在海西其北地屬青州費縣在東汶河西  
南鄭城在沂河東

曹州府鄆城在趙王河南鉅野在鄆城南

濟甯直隸州運河自其西而南泗水在其東趙王河在其  
西領三縣嘉祥魚臺金鄉皆在趙王河西

泰安府泰安縣倚汶水自其東而南小汶水自其東南來  
會大清河出其西領一州六縣萊蕪在汶水南新泰在小  
汶河北東平州大清河所出餘肥城平陰東阿三縣入青  
州

江蘇徐州道治徐州府銅山縣倚運河自其北而東淤黃  
河在其北微山湖在其北領一州七縣邳州在運河東宿  
遷在運河西睢甯在宿遷西沛縣在微山湖西豐縣在沛  
縣西淤黃河北碭山蕭縣在淤黃河南

海州直隸州沐河自西繞其南而東海在東領二縣贛榆在海西沐陽在沐水北

淮安府安東縣在淤黃河北桃源在運河西

安徽鳳陽府宿州靈璧縣皆在睢河南滄河北鳳臺在淮水北懷遠在淮西

泗州直隸州睢河在其北淮水在其南洪澤湖在其東南州有沱河繞城而南入淮領二縣五河在淮水北餘盱眙縣入揚州

揚州

揚州今兩江以南諸地諸水莫大於江江自黃州府城南來入羅田界爲揚州東南流折東至江西九江府北而東湖口縣西鄱陽湖會湖漢九水來注之折東北流入安徽境經其省城南而東又東北入江蘇境經兩江會城西折

東江北運河自淮安府清河縣來行白馬寶應諸湖東淮  
水自洪澤湖分流會運河水過揚州府城東而南注之江  
北運河自鎮江府分江南流過常州蘇州府入浙江界經  
嘉興府至杭州達於浙江其次淮水自河南汝甯府東來  
入光州界爲揚州又東流至安徽潁州府地又東經鳳陽  
府以下見徐州又巨浸曰太湖在江蘇浙江地下游爲松  
江入海曰巢湖在安徽地下游爲裕溪口入江又浙江有  
浙江出自安徽徽州府至浙江杭州府入海案揚州致疑  
甚多經言彭蠡既豬陽島攸居三江旣入震澤底定又導  
漢則曰東滙澤爲彭蠡東爲北江入於海導江則曰過九  
江至於東陵東迤北會於滙東爲中江入於海學者多以  
漢水旣入江何以有東爲北江入海之文且以鄱陽爲卽  
彭蠡非江漢之所匯也又江旣爲中江漢旣爲北江則自

應有南江以合三江之目然以分江水爲南江則自石城  
至餘姚中多崇嶺複岡此可爲擬議而不可以實事求之  
也近魏氏默深言南江卽自震澤分出由今嘉興達杭州  
府海甯州入海其言較爲近理攷漢志會稽郡吳下言其  
區澤在西揚州藪古文以爲震澤南江在南東入海揚州  
川則南江分自震澤非無據也漢志於分江水不言南江  
也至魏氏言彭蠡在江北及漢水東漚別有其道其說亦  
甚當蓋史記封禪書言上巡南郡至江陵而東登禮濞之  
天柱山浮江自尋陽出樅陽過彭蠡禮名山大川尋陽故  
城在今黃梅縣南樅陽則今安慶府東今自黃梅以東感  
湖龍宮諸湖下連宿松望江爲泊湖又東爲漳湖泊湖過  
懷甯又東爲菜子諸湖水皆相通至樅陽東而入江蓋古  
之彭蠡在此故言出樅陽而後過彭蠡也今江水全行北

江是昔漢水入海之道江水昔時實出蕪湖過高消溧陽至荆溪達於太湖是爲震澤其下流爲松江其後漢流通利而江水稍澀後人遂築爲塘堰而中江之迹絕江漢遂併爲北江一江矣則在禹時江漢分流使二巨川不同注震澤而震澤水太盛又分爲南江以殺其勢故三江入而震澤定也沿於江海達於淮泗禹時淮未通江自江達海自海達淮自淮達泗徐州言浮淮泗達蒗則足以知貢道之所入矣且揚州瀕海地多皆可沿海不必盡達江也至敷淺原漢志言歷陵南傳陽山朱子言當爲廬山或以爲廬山高大不可名原攷漢歷陵在今德安縣東則廬山實在其南竊謂傳陽山卽廬山稱名或異而傳淺原三字爲山名非言高平之原猶浙江出三天子都不可以爲都邑之都也此庶足解紛矣

揚州今地分列

江蘇省淮揚道治淮安府山陽縣倚海在東串場河在海  
西淤黃河在北運河在西洪澤湖又在其西領六縣清河  
在運河西阜甯在串場河北淤黃河南鹽城在串場河東  
餘安東桃源入徐州

揚州府江都甘泉縣倚海在東串場河自淮安府來在海  
西大江在南寶應邵伯諸湖在北運河在府城東領二州  
六縣寶應高郵州興化泰州皆在運河東東臺在串場河  
東海西儀徵在運河西大江北

常鎮通海道治鎮江府丹徒縣倚大江在府城北而東運  
河自府北而東領四縣丹陽金壇在運河西溧水在金壇  
西南

常州府武進陽湖縣倚大江在其北運河在其東太湖在

其南領八縣江陰在大江南無錫金匱同城在運河西宜興荆溪同城在太湖西獨靖江一縣在大江北

通州直隸州海在東大江在州城西南串場河西自揚州府來貫州中入江領二縣泰興在州西大江東如皋在串場河西

海門直隸廳海在東大江在南

蘇松太道治蘇州府吳縣長洲元和倚大江在其東北運河在其西太湖又在其西而南領一廳九縣昭文常熟同城在大江西南吳江震澤同城在太湖東崑山新陽同城在府東太湖廳在府西南太湖中

松江府華亭婁縣倚海在東而南松江自太湖出東流而北府在松江南領一廳七縣青浦在府西北上海在松江西南匯在海西奉賢金山在海北川沙廳在海西松江東



大倉直隸州鎮洋縣倚海在東大江在其北而東南入海  
領四縣寶山在松江口西北嘉定在寶山西獨崇明一縣  
在大江東北東極於海

江甯道治江甯府上元江甯倚大江在其西而北而東有  
秦淮河出府東南西流折北貫府城入江領七縣句容泰  
淮所出溧水在泰淮南高淳在溧水西南江浦在大江西  
六合在大江北

安徽省皖北道駐鳳陽府淮水在其府西而北肥河在其  
西南入淮池河在其東北經泗州盱眙縣入淮領二州五  
縣鳳陽在府西淮南定遠池河所出壽州在肥河西淮東  
餘一州三縣在淮北別入徐州

潁州府霍邱縣在淮南東有淝河自六安州來北流入淮  
六安直隸州淝河出州南經州城西入霍邱縣領二縣霍

山淖河所出英山水入湖北黃州府蘄水縣

泗州盱眙縣在淮南洪澤湖口池河在西

河南光州直隸州淮水自息縣來東北流至州東北合洪  
河東流與潁州分河下流入潁州潢水出州西經州東而  
北入淮東有曲河又東有史河合流北入淮領四縣光山  
在州西南潢水西固始在州東北史河西曲河東商城在  
固始西南曲河東息縣別入豫州

安慶府懷甯縣倚大江在其西南東北至廬州府府南臨  
大江西有皖水東有樅陽水俱注江又西有龍泊武昌諸  
湖東有菜子湖領六縣桐城樅陽江所出潛山皖水所出  
太湖縣北有長河東入皖水望江在大江西泊湖東宿松  
在太湖縣南龍湖北

廬州府合肥縣倚大江在其東南巢湖在南東南入江肥

河出其西入鳳陽府壽州滁河出其東北入滁州領三州  
四縣巢縣在巢湖東舒城在湖西廬江在湖南無爲州在  
大江北

滁州直隸州滁水自廬州府東南流至州南折東北合清  
流河又東北流入江蘇六合縣南入江州城在清流河西  
領二縣來安在州城東全椒在滁河西

和州直隸州大江在東滁河在北領一縣含山在州西北  
滁河南

皖南道治徽州府歙縣倚浙江一日浙江出府西東入浙  
江嚴州府府在江北領六縣績溪在府東北休甯在府西  
浙江北黟縣浙江所出祁門婺源水皆流入江西饒州府  
甯國府宣城縣倚清弋江出其西姑熟溪出其東俱北流  
入太平府府城在姑熟溪西東北有南碣湖綏溪河自廣

德州西流貫湖入姑熟溪領大縣太平旌德清弋江所出  
涇縣在清弋江南南陵在清弋江西甯國縣姑熟溪所出  
池州府貴池縣倚大江在府城北池河在府西北入江領  
六縣建德東流在府西南大江東銅陵在府東北大江東  
青陽在銅陵南石埭在青陽南

太平府當塗縣倚府城在大江東清弋江姑熟溪皆自甯  
國府來並在府南東入江領三縣蕪湖在清弋江北大江  
東繁昌在蕪湖西南大江南

廣德直隸州有桐水出州西南西北流入南碭湖州城在  
桐水東領一縣建平在州西北桐水北

江西省南撫建道治南昌府南昌新建縣倚鄱陽湖在其  
東南贛江卽古湖漢水自臨江府北來過府城西而北入  
湖領一州七縣進賢在鄱陽湖南豐城在府南贛江東奉

新地如鰓頸在南康瑞州二府間自此而西北曰靖安縹水出焉又西北有脩水東流均入南康府注贛江義甯州武甯皆在脩水北

撫州府臨川縣倚盱江自建昌府西來過府南西北流入南昌府地入贛江領六縣金谿東鄉在盱江東樂安宜黃崇仁在盱江西

建昌府南城縣倚汝水出府西南東北流折西北過府城南入撫州府爲川江領五縣廣昌南豐在府西南汝水西新城在汝水東瀘溪在府東北

廣饒九南道治九江府德化縣倚大江在其北鄱陽在其東領五縣瑞昌在府西大江南德安在瑞昌南湖口縣在鄱陽湖東彭澤在湖口東均在大江南

廣信府上饒縣倚信江出其東北經府城南而西入饒州

府領七縣玉山信江所出廣豐在府東信江南鉛山在府西信江南興安弋陽貴溪皆在信江北

饒州府鄱陽縣倚鄱陽湖在西鄱江上承安徽婺源原婺江合祁門昌江西流經府城南而西入湖錦江又在其南江上承廣信府信江西北流入湖領七縣安仁餘干在錦江北德興萬年在婺江南樂平在婺江北浮梁在昌江西南康府星子縣倚鄱陽湖貫其中脩水自南昌府武甯縣東來經府西南會贛水東入湖領四縣都昌在湖東安義在贛水北建昌在脩水北

吉南贛甯道治贛州府贛縣倚貢江自甯都瑞金來西流會梅江桃江至府北章水自南安府東流來會曰贛江北流入吉安府領二廳入縣定南廳長甯縣水均入廣東惠州府虔南廳桃江所出龍南縣在桃江南信豐在桃江西

安遠在貢江南會昌在貢江南雩都在貢江北興國在雩都西北

吉安府廬陵縣倚贛江自贛州府北來貫府中西北流折東北會潞江過府城東人臨江府領一廳九縣蓮花廳潞江所出永新在潞北永甯在南首安龍泉泰和在贛江西潞江南吉水永豐在贛江東安福在府西北潞江北南安府大庾縣倚章水出府西北過府城南東流折北會上猶水東人贛州府領四縣南康縣在章水西崇義縣在上猶江南上猶在江北

甯都直隸州貢江出其南西北流折西入贛州府梅江出其東北南流經州城東折西入贛州府領二縣石城在梅江東瑞金貢水所出縣在水西

瑞袁臨道治瑞州府高安縣倚錦江古蜀水也自袁州府

東來過府城南又東至南昌府地入贛領三縣上高在府西錦江北新昌在上高西北

袁州府宜春縣倚秀江出其西南過府城北而東入臨江府錦江出其西北亦東流入瑞州府領四縣萍鄉水流入湖南長沙府分宜在府東秀江北萬載在錦江南

臨江府清江縣倚贛江自吉安府東北流經府城東秀江自袁州府東來折北過府城東南又東入贛贛水下入南昌府領四縣峽江在府南贛江西新淦在贛江東新喻在秀江北

浙江省杭嘉湖道治杭州府錢塘仁和縣倚海在其東浙江水自嚴州府東來北流經府城南而東合霅溪分支曰安溪東北入海運河自嘉興府來達於府領一州八縣海甯州在海口北餘杭在霅溪北臨安在霅溪南富陽新城



在浙江西於潛昌化水南入嚴州府

嘉興府嘉興秀水縣倚海在東南運河自蘇州府來過府西南入杭州府領七縣海鹽平湖皆在海西嘉善在府東北桐鄉石門在運河東

湖州府烏程歸安縣倚太湖在北苕溪在其西霅溪在其東俱北流至府城會入太湖領七縣德清上承餘杭霅溪溪翼城中亦曰東苕溪武康在霅溪西孝豐苕溪所出安吉在苕溪西長興在太湖西

金衢嚴道治衢州府西安縣倚文溪出其西南金溪出其西北至府城西合流曰信安江經府城北東北流入金華府領五縣江山文溪所出開化金溪所出常山在金溪南龍游在信安江南

金華府金華縣倚信安江自衢州府來過府西東陽江合

梅溪水西流來會府城在東陽水北領八縣東陽縣東陽水所出縣在水南義烏在水北梅溪出處州縉雲縣北流入境永康在梅溪北武義在溪西湯溪在信安江南蘭溪在府西北東陽江北信安江東浦江水入紹興府

嚴州府建德縣倚浙江自安徽徽州府東流至府城南會金衢二府水東北流合桐江入杭州府領六縣洎安在浙江北遂安壽昌在浙江南分水縣上承於潛昌化水爲桐溪縣在溪西桐廬在浙江西桐溪口

溫處道治溫州府永嘉縣倚海在東甌江自處州府來經城北東南流入海飛雲江在其南領一廳五縣樂清在甌江北海西玉環廳在樂清東海中泰順飛雲江所出平陽在海西飛雲江南瑞安在海西飛雲江口

處州府麗水縣倚甌江出其西南東北流經府城南又東

南會彪溪入温州府領十縣松陽遂昌在甌江北宣平在松陽北縉雲在府東北龍泉甌江所出雲和在甌江南景甯在彪溪南青田在府下游甌江北慶元水入福建建甯府

甯紹台道治甯波府鄞縣倚海環東南北三面甬江出紹興府餘姚縣東流至府東入海府在甬江南領五縣慈谿在府西北甬江北鎮海在海西甬江口奉化在府西南象山在奉化東南海港南

定海直隸廳在鎮海縣東海中

紹興府山陰會稽倚海斗入其北西北與杭州府分浙江剡溪出台州府天台縣北流經府東亦曰曹娥江折東入海浦陽江自金華府浦江縣來北流經府西入浙江領八縣新昌在剡溪東嵊縣在剡溪西上虞在剡溪東餘姚在

海南上虞東北諸暨在浦陽江西蕭山在浙江東

台州府臨海縣倚海在東南東北亦有海港靈江出金華府東陽縣曰始豐溪東流入府折南會永安溪過府城南而東又東南入海領六縣天台在靈江北仙居永安溪所出黃巖在靈江南太平在臨巖南俱際海甯海在兩海間福建省福州福甯道治福州府閩縣侯官倚海在東閩江自延平府來東南流至府南爲兩岐大漳溪自永春州來合流入海領十縣閩清在府西北閩江南羅源連江在海西閩江北長樂福清在海西閩江南古田在府西北屏南在古田東北永福在大漳溪北

福甯府霞浦縣倚海在東長溪自浙江温州府泰順縣來經府西入海府城在海西領五縣福鼎在府東北福安在長溪東壽甯在長溪南甯德在府西南海西

州東流過府城南東入海領二縣仙游縣在府上游府江北

泉州府晉江縣倚海在東南晉江自永春州東南流折東入海府城在晉江口領一廳五縣同安在府西南晉江南廈門廳在同安南海中安溪南安俱在晉江北惠安在府東北海西

永春直隸州尤溪出其西北大漳溪出其北興化府江出州南晉江出州西南領二縣德化大漳溪所出縣在溪北大田尤溪所出縣在溪西

延建邵道治延平府南平縣倚建溪自建甯府西南流至府城東富屯溪自邵武府來沙溪自汀州府來過府西合流來會曰閩江東南合尤溪入福州府領六縣順昌在富

屯溪東將樂在金溪北金溪東流入富屯溪永安在沙溪  
東沙縣在沙溪西尤溪在尤溪北

建甯府建安甌甯縣倚建溪出府西北會南浦溪東南流  
至府南會松溪水南流入延平府領七縣浦城南浦溪所  
出崇安建溪所出建陽在建水北松溪縣松溪自浙江慶  
元縣流入縣在溪西政和在溪東

邵武府邵武縣倚富屯溪出府西北經府城北金溪自汀  
州府甯化縣東北流入折東南並入延平府領四縣光澤  
富屯溪所出建甯在金溪西泰甯在金溪北

汀漳龍道治漳州府龍溪縣倚海在東南九龍江自龍巖  
州來南流經府城東南溪東流並東南流入海府城在南  
溪北領一廳七縣長泰在九龍江東南靖在府西南溪北  
海澄在海西九龍江口漳浦雲霄廳詔安皆在海北平和

水入廣東潮州注韓江

汀州府長汀縣倚汀水亦曰鄴江出府北南流經府東又南入廣東潮州府爲韓江沙溪出府東北東南流入延平府領八縣甯化沙溪所出歸化在沙溪北清流在沙溪南連城在清流南上杭在府南汀水西武平在上杭西永定在汀水東

龍巖直隸州雁石溪出州西過州城南而東會九朋溪南流曰九龍江入漳州府領二縣甯洋九朋江所出漳平在九龍江北

廣東省惠潮嘉道治潮州府海陽縣界海在東南韓江自福建汀州府來貫府中南入於海府城在韓江西領一廳九縣澄海在府東南韓江西海西北潮陽在海西惠來在海北大埔饒平在韓江東豐順揭陽普甯在韓江西南澳

隄在澄海東海中

惠州府歸善縣倚海在南龍川江自江西贛州府來西南  
流合新豐江過府城北而西入廣州府爲東江領一州九  
縣和平龍川在龍川江西永安在江東長甯新豐江所出  
連平州在新豐江北河源在新豐江南博羅在江北陸豐  
海豐在江北

嘉應直隸州清溪水出州西南東北流過州城南又東北  
至潮州府地入韓江領四縣興甯長樂仕州西南鎮平在  
州北平遠在鎮平西北



禹貢九州今地攷卷一終

禹貢九州今地攷卷一終

禹貢九州今地攷卷二

邵陽曾 廉著

荊州

荊州今湖廣以南諸地水亦莫大於江而漢次之江自四川夔州東來至宜昌府入荊州府地東南經荊州府洞庭湖合沅澧湘資諸水來注之又東北流至漢陽府黃州府東南入揚州界漢水自襄陽宜城來至安陸府入荊州東南流至漢陽府入江其嶺外水則盤江最大今分見各府下荊州水道亦多疑竇案江漢變遷尤甚於河河至漢時猶有故道可尋江漢則惟下游猶存三江之迹上游九江則古今文說不同古文以爲下倚西北此酈氏水經注所本也今文以爲尋陽南此班氏漢志所本也至漢水南人東匯經有明文而師說不傳蓋自漢時江漢已併爲一道

故劉歆以湖漢九水當九江鄭康成則言九江出自山谷  
並與江分爲九之說不同蓋其故道已成彷彿故說不一  
定胡氏言緣江圖九江始於鄂陵終於江口會於桑落洲  
鄂陵今武昌縣桑落洲今九江府東北五十里江中是九  
江分自今武昌縣以下然江水已至東陵卽言東迤若如  
今江流則自東陵東北至漢口自漢口復東南至武昌縣  
又東南至九江府界於經東迤未合且漢言南入於江若  
如今漢口之漢則是東入於江非南也況江苟分爲九則  
經當云播爲九江不得過九江也九江旣播則其勢殺又  
不得言孔殷也竊謂江言東迤北會漢言南入東匯經文  
所當尋繹全在於此攷九江自以下傳爲定而今文家言  
九江在尋陽亦必非鑿空之談禹時大江自東陵下當卽  
東行今自嘉魚以東江夏武昌縣大冶興國西良黃塘以

至梁子保安津源海口網湖諸湖蕩連互當卽班氏所  
云九江故道非起於鄂渚其云東迤者迤訓邪行邪字正  
作袞訓爲順卽達離也詩曰析薪柁矣柁卽迤之借傳言  
析薪者必隨其理此言禹離析江水順其道也是尋陽之  
九江卽包於東迤之中江旣東迤則江行今經流之北故  
漢必南入疑今江自漢口至蘄州者卽爲古漢水之道今  
江自漢口東行至黃岡乃南至蘄州也以今江水行北江  
之道例之或亦如此然所入者九江以此地江已分亦不  
過與漢水阻隔洲渚或與九江時有出入其東匯之漢水  
則當在蘄州下經今武山諸湖亦與九江並行至望江之  
泊湖乃得大會也然今不可攷矣蓋大江下游奪漢北江  
之道今猶可知大江上游奪漢水之道則絕不可知其變  
遷則自春秋時已然故楚昭濟江入於雲中所濟者昔之

沱也當時已稱爲江而夏汭已見於左傳卽今漢口也故  
後人亦以漢時師法無傳不敢臆說賴經文明言之耳故  
曰江漢朝宗於海明江漢各自入海非漢合江以入海也  
其江之沱漢之潛則江自枝江分流經公安縣合今虎渡  
河下流入澧州下洞庭至巴陵者禹時大江經流所謂東  
至於澧過九江至於東陵者也今自松滋縣北經江陵南  
東流至監利螺山者春秋以來大江經流乃禹時沱水所  
謂東別爲沱者也潛則是潛江縣之水自漢分出也雲土  
夢在江漢之間土與徒杜皆通國語曰雲連徒洲漢江夏  
郡有雲杜縣卽雲土也雲土夢三字爲澤名今在南則枝  
江松滋石首華容在北則江陵以東潛江以南監利以北  
沔陽前後左右諸湖又北通於天門漢川應城雲夢諸縣  
皆禹時古澤地單稱之亦可曰雲曰夢今諸處常多水患

不知實皆在古澤中也三澨三邦當闕內方今在荊門州東南漢水西大別疑當爲安陸府境之山左傳言楚禦吳師濟漢而陳自小別至於大別是也胡氏讀史兵略言大別在黃州府黃安縣界以與柏舉近然疑離漢太遠又據左傳楚師奔吳從楚師及清發釋者以爲今德安府西涓水則準其地望自當在黃安攷今麻城東南六十里有龜峰山則卽古柏舉二水出焉北流至黃岡西北團風鎮西入江黃安縣亦有龍江北流至黃岡陽邏驛西入江舉水龍江之間有山自黃安縣西互北而南當卽古大小別山若如鄧說以今之江爲昔之漢則漢至於大別南入於江亦似相合也

荊州今地分列

湖北省安陸府鍾祥縣倚漢水在府城西而南分潛水東

南有楊桑湖領四縣京山在楊桑湖北天門在楊桑湖西南漢水北潛江在潛水西

荊門直隸州沮水漳水自襄陽府來至州西南合流入荊州府州城在漳水東領二縣遠安在沮水東當陽在沮水西

襄陽府南漳縣漳水所出沮水在漳水西

荊宜施道治荊州府江陵縣倚大江貫府中經府城南沮水注焉潛水過其東分流入洪湖領七縣宜都在大江之西枝江松滋公安石首皆在大江南監利在府下游大江北

宜昌府東湖縣倚大江貫府中經府城西而南清江西來注之領一州五縣歸州在府上游江北興山在歸州北巴東在大江南長楊在清江北長樂在清江南

鶴峰直隸廳澧水出廳西北經廳城東入湖南澧州

施南府恩施縣倚清江出其西南東流折南經府城東又東入宜昌府領六縣利川縣清江所出宣恩在清江南建始在清江北來鳳白水河所出縣在河西與湖南永順府分水又南入四川酉陽州咸豐黔江所出入酉陽州

漢黃德道漢陽府漢陽縣倚南及東與武昌分江漢水貫府中在府城北涓水至府城西北合澧水入江澌水至府東北分流入江入漢沔水西承潛水東流至府西南分流入江漢府城在江西領一州一廳四縣黃陂在澌水西孝感在澧水東夏口廳在漢水北江西漢川在漢水北涓水西沔陽州在沔水北

黃州府黃岡縣倚大江在其西西南與武昌府分江舉水亦曰歧亭水在府北入江舉水西有龍河府東有巴河巴



河東南有靳河俱入江府城在江東而北領一州七縣黃  
安龍河所出縣在河東又有潯水入漢陽府麻城舉水所  
出羅田在巴河東靳水上承安徽英山縣水縣在水北餘  
靳州廣濟黃梅別見揚州

德安府安陸縣倚潯水出其西北東南流又南過府城西  
又東南入漢陽府領一州四縣隨州潯水所出州在水北  
應山在潯水東雲夢在府南潯水東應城在潯水西

武昌道治武昌府江夏縣倚大江環其西北及東府南爲  
梁子黃塘諸湖又南有富水東入江西南有陸水入江府  
城在江南領一州九縣通山富水所出通城陸水所出崇  
陽蒲圻在陸水西嘉魚在府西南大江東咸甯在黃塘湖  
南武昌縣在梁子湖東大江西興國州大冶縣別見揚州  
湖南省長寶道治長沙府長沙善化縣倚湘水貫府中北

流經府城西又北注洞庭湖入岳州府西南有漣水東南有沅水又東南有沅水東有瀏水俱入於湘東北有汨水入湖西北有澧水入湘西北有資水東流折北入常德府領一州十一縣湘潭在府上游漣水北湘水西湘鄉漣水上承寶慶府水縣在水北茶陵沅水上承衡州府水州在水西攸縣在沅水西醴陵渌水上承江西袁州府水縣在水北瀏陽在瀏水北甯鄉在澧水北湘陰在府北湘水東汨水南安化在資水南益陽在資水北

寶慶府邵陽縣倚資江出西南會夫夷水東北流經城北會邵水折西而北入長沙府府東有蒸水入衡州府東北有漣水入長沙府府城在資南邵口領一州四縣武岡州資水所出州在水北新甯夫夷水上承廣西桂林府水縣在水北新化在府下游資江西城步巫水所出下入靖州

衡永郴桂道治衡州府衡陽清泉縣倚湘水東北流合春  
水經府城東而北合蒸水耒水入長沙府領七縣常甯在  
湘水南耒陽耒水上承郴州水縣在水西酃縣沅水所出  
入長沙府安仁復承長沙沅水縣在沅南衡山在府下游  
湘西

永州府零陵縣倚湘水自廣西桂林府來東至府城東合  
瀟水折東北入衡州府領一州七縣江華有深水卽營水  
出西北下流合瀟水縣在水南永明在江華西道州在深  
水北甯遠瀟水所出新田在甯遠東北東安祁陽俱在湘  
水北

郴州直隸州耒水所出東南經州東入衡州府領四縣桂  
陽耒水所出興甯在耒水東永興在耒水東宜章水入廣  
東韶州府

桂陽直隸州春水山州西南合鍾水入衡州府州在春水  
東領三縣藍山鍾水所出嘉禾在鍾水西臨武武水亦曰  
濤水入廣東郴州府

辰沅永靖道辰州府沅陵縣倚沅水貫府中合澁水辰水  
澁水東北流至府城南合酉水又東北入常德府府城在  
沅北西口領四縣澁浦澁水所出縣在澁水北辰谿在沅  
水東西對辰口澁溪在沅西澁水口

沅州府芷江縣倚沅水自貴州鎮遠府來東流至府南澁  
水亦東流經府城東折南入沅辰水自貴州思州府來經  
府北俱入辰州府領三縣黔陽在沅北瀘口麻陽在辰水  
北

永順府永順縣倚府西與湖北施南分白水河河南流入  
酉水酉水自四川酉陽州來東流過府南東南入辰州府

領四縣龍山在白水河東保靖在酉水南桑植澧水出其西北東南入澧州

靖州直隸州渠水出其南北流經州城東而北入沅州府巫水自寶慶府來道州東入沅州府領三縣通道渠水所出會同在州北渠水東綏甯在巫水西

鳳凰直隸縣有沱水北入瀘水

乾州直隸縣有武水下流至辰州府爲瀘水

永綏直隸縣貴州松桃縣也溪經其北東入酉

晃州直隸縣濶水自貴州鎮遠府來經應城南入沅州府岳常澧道治岳州府巴陵縣倚洞庭在其西大江在其北府城在湖東領四縣華容在洞庭北平江有汨水下入長沙府臨湘在大江南

常德府武陵縣倚洞庭在其東沅水東流至府城南又東

入湖資水至府東南隅入湖領四縣桃源在沅水西龍陽在洞庭西沅江在資西洞庭南

澧州直隸州洞庭湖在其東南澧水合澧水東流經州城南折南入湖領五縣永定在澧水北慈利在澧水南澧口對岸石門在澧北安鄉在澧東洞庭北安福在澧水南南洲直隸廳在安鄉東華容西洞庭北

四川省西陽直隸州酉水所出東入湖南永順府領三縣秀山有芭梅河北流入酉水餘黔江彭水入梁州

貴州省松桃直隸廳也江出西北經廳城南北入湖南永綏廳

銅仁府長水出其東北南流轉東經府城南入思州府境領一縣銅仁在府上游辰水北

思州府瀘水經府南而東入湖南晃州廳辰水經府東北

偶入湖南沅州府領二縣清溪在府南濞水北玉屏在清溪下游濞水東

鎮遠府鎮遠縣倚濞水出其西經府南東入思州府沅水在濞水南東入湖南沅州府領二縣一州三縣黃平州濞水所出施秉在濞水南台拱清江廳在沅水南天柱在沅水北

平越直隸州沅水所出東流過都勻府界入鎮遠府領三縣懷安餘慶湄潭別入梁州

都勻府都勻縣倚沅水過其東北隅馬尾河出府西南東流經府城東面北入沅領三縣二州三縣麻哈在府東北清平在麻哈東北均在馬尾河西入寨廳在馬尾河東丹江廳在八寨東都江廳都江水東入黎平府古州廳爲潭水獨山州水東流者入都江西流者入貴陽府爲巴盤江

荔波剛水南流入廣西慶遠府爲龍江

黎平府開泰縣倚沅水自鎮遠府來過其東北隅復東流入鎮遠府潭水出其西北會都江東南流入廣西柳州府爲柳江領二廳二縣古州廳在潭水西都江水北下江廳在潭水北永從在府南潭水北

廣東省南韶連道治韶州府曲江縣倚漆水自湖南桂陽州南流會始興水匯水翁江入廣州府爲北江府城在漆水東始興水口領六縣乳源在漆水西翁源翁江所出英德在漆水西匯水北仁化樂昌在漆水東府北

南雄直隸州始興水出其東北經州城南而西入韶州府領一縣始興在始興水北

連州直隸州匯水出其西北經州城東南流入韶州府領一縣陽山在州東南匯水北



連山直隸廳水東入連州

廣肇羅道廣州府南海番禺倚海在其南北江至府城西而南入海分支合流溪經府城南又東東江合增江至府東會流南入海兩江在北江西南入海領十四縣清遠在北江北三水在北江東從化流溪所出花縣在流溪西龍門增江所出增城在增江西東莞在東江南西際海新安在東莞南西南際海順德在北江西江開東際海香山在順德東南東南皆際海新會有紫水東入海新甯在新會西南南際海

肇慶府高要縣倚西江自廣西梧州府來會賀江東流經府城南入廣州府綏江在東北入廣州府北江領一州九縣開建縣在賀江東封川在西江東德慶州在西江北廣甯在綏江北四會在綏江東高明鶴山在西江西開平在

紫水北水下入新會縣新興在鶴山西

羅定直隸州瀧水江出州西南東北流經州北入西江領  
二縣東安在瀧水江東西甯在瀧水江西

高雷陽江道治高州府茂名縣倚海在南賓江出府北而  
南流經府城西折南入海領一州五縣信宜賓江所出化  
州在賓江西石城在化州西西南抵海電白在賓江東海  
北吳川在化州南海北

雷州府海康縣倚三面際海府城在海西領三縣遂溪在  
府北與高州界徐聞在府南海北

陽江直隸州海在南陽江出州西北南入海州城在陽江  
東海北領二縣陽春陽江所出恩平紫水所出下入開平  
縣

廉欽道廉州府合浦縣倚海在南廉江自廣西鬱林州來

經府城西而南入海領二縣靈山在府西北水入欽州爲欽江

欽州直隸州海在南欽江經州東而南入海領一縣防城在州西南海北

瓊崖道治瓊州府瓊山縣倚海環東西北三面與雷州府隔海白石河出府西南東北流入海府城在海南河西領一州七縣安定縣在白石河南文昌會同樂會皆在安定東海西澄邁臨高皆在府城西海南儋州在臨高西海東崖州直隸州海環東西南三面州城在海北領四縣陵水在州東海西萬州在海西昌化感恩在海東

廣西省桂平梧道治桂林府臨桂縣倚灘水亦曰桂水出府東北與湘水同源分流灘水經府城東南流入平樂府領二州七縣興安離湘所出靈川在離江西義甯在府西

有相思江入灘水南有枝津永福在支津東下流入柳州府永甯州在義甯西南陽朔在灘水西全州在湘水北潯陽灘水所出北入湘

平樂府平樂縣倚灘水南流合龍江過府城西南流入梧州府東有賀水入廣東肇慶府領一州七縣恭城龍江上承湖南永明縣水縣在龍江西富川賀水所出賀縣在賀水西荔浦在灘水西脩仁在荔浦西南昭平在府南灘水西永安州水南流入梧州府爲濛江

梧州府蒼梧縣倚鬱江合濛江繡江東流會灘水於府城西經府城南東入廣東肇慶府爲西江領五縣容縣南承鬱林州繡江東北流縣在江西岑溪在繡江東藤縣在鬱江南繡江口懷集一縣中隔廣東肇慶府地在平樂府賀縣東南有綏江下入肇慶府縣在綏江北

柳慶思百道沱柳州府馬平縣倚盤江在府南自思恩府  
來東流入潯州府柳江自貴州黎平府來東南流合融江  
而南合龍江折東南經府城南合相思江支津又南入盤  
江領一州七縣懷遠柳江繞其城南融縣融江所出羅  
城在融西南龍江北柳江西柳城在柳江東雒容在府東  
相思支津西象州在府下游柳江東來賓在盤江北  
慶遠府宜山縣倚龍江自貴州都勻府來過府城北東流  
入柳州府刁江在龍江西南流至思恩府入盤江盤江又  
在其西自貴州貴陽府來東南流入思恩府領二州三縣  
思恩縣有環江入龍江縣在環江東天河在府北河池州  
在刁江東東蘭州在盤江西

思恩府盤江南流折東經府北東北與慶遠府分江復經  
府境入柳州府清永江出府西東流折北入盤江西洋江

自鎮安府來經府西流入南甯府馱蒙江出府西北過府城西而南西南入西洋江領一州四縣恩隆與鎮安府接在西洋江北武緣在馱蒙江東上林清水江所出賓州有武陵溪會清水北入盤江遷江在盤江南清水江口南潯鬱道治南甯府宣化縣倚鬱江自太平府東北流至府西西洋江西北流來會折東至府城南入潯州府領二州三縣隆安在府西北西洋江南新甯在府西南鬱江東永泊在府東鬱江南橫州在永泊東鬱江北上思直隸州明江出其南屈曲北流而西入太平府潯州府桂平縣倚鬱江東北流經府東柳江來會又東流入梧州府領四縣貴縣在鬱江北武宣在柳江東平南在府下游鬱江北

鬱林直隸州南流江入廣東廉州府爲廉江領四縣博白

在南流江東興業在州西北陸川水北流入梧州府爲續江北流縣在緒江西

豫州

豫州今河南大河以南山東湖北交互諸地水亦以河爲大今河西自陝西潼關廳東流至陝州與山西分河又東經河南府鄭州開封府北歸德府西北其北岸與懷慶衛輝分河折東北入直隸大名府界洛水出陝西商州東經陝州河南府合澗澗水又東伊水出陝州至河南府合流入於河淮水出南陽府過汝甯府光州安徽潁州府下流入鳳陽府汝水出河南府經汝州許州潁水亦曰沙河自汝州過南陽府東北隅來會又東南支津東會潁水其經流南經汝甯府復分支爲洪河至下游來會又東南經潁州府入淮潁水出河南府東南經開封府許州至陳州府

合汝水分津而東賈魯河上游爲滎陽水出鄭州經開封  
府陳州府合於潁水又東南至潁州府入淮賈魯河支津  
爲惠濟河下流爲渦河經潁州府入鳳陽府沙河出歸德  
府下流爲濉河入鳳陽府漢水自陝西興安府來經湖北  
鄖陽府襄陽府下流入安陸府白河亦曰清水出南陽府  
合唐河湍河至襄陽府入漢今均州漢水中有滄浪州經  
所謂又東爲滄浪之水也以禹時言之河在陝洛京索之  
北謂之南河主帝都而言也豫州貢道自洛達河而荊州  
則自江浮潛皆達于漢自漢入白河至南陽陸行以入於  
伊由伊入洛而達於河所謂逾於洛至於南河也砥柱在  
今陝州東四十里河中孟津在今孟津縣北洛汭在今鞏  
縣北卽洛口也此皆在南河禹河自此北流經武陟原武  
開別見冀州今自鄭州以下之河則古出河之濟經言滎



波既豬榮波古亦作榮播播波自屬通假非二水也在今  
榮澤縣南卽古之榮澤禹時以河濟之溢而豬爲澤其出  
口則爲出河之濟凡經言豬皆非無出口彭蠡旣豬大野  
攸豬豈得言無出口乎明此則知必有出河之濟矣亦見  
兗州荷澤澤連徐豫兗三州孟豬當在今商邱西北接虞  
城地今與榮澤荷澤皆渦而沙河之下流爲渦河者當卽  
出於古孟豬禹時導荷水西南被此以洩荷澤泛溢之水  
然則孟豬其必南流入淮明矣惟經不言未敢臆說也伊  
洛澗澗四水惟澗爲小周書言澗澗東西甚明因後有過  
流入苑囿者胡氏有澗澗改流圖一統志言澗水入於穀  
不知何時又東合於澗攷今輿圖又變而與周書合亦不  
知變自何時也汝水亦久分爲南汝東汝今輿圖於鄆城  
南又變而爲南出與古汝水行道合則又未知變自何時

也至經言熊耳外方桐柏至於陪尾今盧氏縣有熊耳山此洛水所經非洛水所出也漢上雒縣有熊耳在今商州當是經所言熊耳矣外方今嵩山也桐柏在今桐柏縣陪尾別見徐州

豫州今地分列

河南省開歸陳許鄭道治開封府祥符縣倚黃河在其北惠濟河在其西而南而東潁水在其西南領一州十一縣蘭儀在黃河南中牟尉氏洧川鄆陵皆在賈魯河西通許在賈魯河東陳留杞縣在惠濟河南新鄭在尉氏洧川西密縣在新鄭西北禹州在潁水南

歸德府商邱縣倚黃河在其西北隅惠濟河在西沙河在東領一州七縣考城在黃河東睢州柘城在惠濟河東鹿邑在惠濟河西虞城夏邑永城在沙河東甯陵在府西北

睢州東

陳州府淮甯縣倚潁水會賈魯河在其西而南領七縣太康在府北扶溝西華在賈魯河西商水項城沈邱皆在潁水西

許州直隸州西有潁河又西有汝河領四縣長葛在州北臨潁在潁水北襄城鄆城在汝水北

鄭州直隸州黃河在北滎陽出其西南屈曲東流過州北而東領三縣滎陽縣滎陽水所出汜水在黃河東滎澤在黃河南滎陽水北

河陝汝道河南府洛陽縣倚黃河在其北澗水合穀水在其西澗水在其東洛水伊水均自其西南而東北汝水出伊水南潁水出伊水西領十縣永甯在洛水北宜陽在洛水東澗池在穀水北新安在澗水北嵩縣在伊水北登封

在潁水北偃師在洛水北鞏縣在洛水東黃河南孟津在黃河南

陝州直隸州黃河在其北洛水在其南伊水出洛水南領三縣盧氏在洛水北靈寶閭鄉皆在州西黃河南

汝州直隸州汝水在南沙河又在其南領四縣伊陽在汝水北邙縣在州下游汝水北寶豐在汝水西魯山在沙河北

南汝光道南陽府南陽縣倚淮水出其東南沙河汝水過其東北白河在其東而南唐河又在其東湍河在其西西又有丹水入襄陽府漢水領一廳二州十縣葉縣在沙河南舞陽在汝水西南桐柏淮水所出泌陽有泌水下流爲唐河縣在泌北裕州有趙河下入唐河州在河東唐縣在唐河南南召白河所出新野在府南白河東內鄉湍水所

出鎮平在府西湍水北鄧州在湍水南淅川廳在丹水東  
汝甯府汝陽縣倚汝水經其北而東南東有洪河南有淮  
水西北有南汝水領一州八縣西平縣在汝水西上蔡在  
汝水東遂平南汝水所出今入汝確山在遂平南新蔡在  
汝水北洪河西正陽在淮北信陽州羅山在淮南  
光州息縣在淮北東與潁州府分汝河

安徽省潁州府阜陽縣倚淮水在其南潁水在其北渦河  
又在其北領一州五縣亳州在渦又經其東渦陽蒙城皆  
在渦西太和在潁東潁上在淮北霍邱縣別入揚州

山東省曹州府定陶縣南境城武在定陶東南曹縣在定  
陶西南單縣在城武東南

湖北省襄陽府襄陽縣倚漢水貫府中經府城北而東白  
河在其東北丹水在其西北西又有南河入漢領一州六

縣均州在漢水西光化在漢水東穀城在漢水西南河北  
宜城在府南漢水東棗陽在唐河東餘南漳縣別入荊州  
鄖陽府鄖縣倚漢水貫府中府城在漢北北有丹水入河  
南南陽府東南有南河入襄陽府領六縣鄖西在府上游  
漢北保康在南河南餘竹溪竹山房縣別入梁州

### 梁州

梁州今商州漢中以南四川雲南南夷諸國各地其水江  
爲大今江出松潘廳西北南流入成都府東分爲沱江又  
南經眉州嘉定府泔水會青衣水入之泔水今日大渡河  
上游卽大金川也江水折東入敘州府金沙江合鴉礪江  
來會金沙江古繩水鴉礪古若水也江水又東至瀘州合  
沱江又東北至重慶府西漢水亦曰嘉陵江合白水江宕  
渠江涪江來會又黔水亦曰烏江自北來注之又東北經

忠州石柱縣夔州府下流入湖北宜昌府漢水出漢中府  
西東流經興安府下流入湖北鄖陽府案梁州水道惟黑  
水人無定說經言導黑水至於三危入於南海而三危既  
宅繫於雍州黑水西河又雍州之域也自屈原已言黑水  
元趾三危安在後人遂以雍梁導川爲三黑水至魏氏又  
言南海卽青海亦卽弱水以色言則青黑同色故曰黑以  
力弱言之則曰弱弱水皆伏流入青海以附合至於南海  
之文竊謂欲知黑水當先知三危後人皆以敦煌一隅言  
三危此其所以不知黑水也案近焦氏循有禹貢鄭注釋  
引鄭言地理志益州郡滇池有黑水祠而不言山水所在  
今中國無也又引鄭言地記言三危在鳥鼠之西南當岷  
山又在積石之西南當黑水祠黑水出其南脇鄭注多殘  
缺其論地望爲近之而以荒遠未及精審後漢書西羌傳

亦略如鄭氏之說而特明析西羌傳云西羌本自三苗國  
近南岳舜徙之三危河關之西南羌地是也漢于賜支至  
於河首縣地千里賜支禹貢所謂析支者也南接蜀漢徼  
外蠻夷西北鄰善車師諸國此言三危則得地甚廣但言  
千里恐尙未合三危地蓋數千里當有今安西及青海並  
前後藏喀木以北唐時吐谷渾及吐蕃等地故其西南連  
鄯善今哈密廳也車師有前後王庭今吐魯番廳迪化府  
也南通巴蜀徼外蠻夷今松潘廳及雅州府所屬各土司  
及甯遠府地漢志所謂岷山在西徼外江水所出澌水出  
徼外入江鮮水出徼外南入若水若水出徼外入繩繩水  
出徼外入江是也范說固較諸說爲長而余猶以爲未合  
者蓋范氏言三危亦止及青海地而未及其南則安得有  
黑水入南海哉竊謂三危括地志言有三峰故名今亦當



從其說但雄深縣邈所以能宅三苗而使之丕敘豈得拘  
拘於敦煌之南乎今案三危其北自及敦煌其南則逾黃  
河源金沙江源之南蓋今新疆南托古茲達坂山東行分  
爲三支一自白龍堆南過敦煌東行至肅州爲祁連山一  
自河源金沙江源之閒巴顏哈喇山東南行至於鴉礮江  
源之北一自金沙江源怒江源之閒巴薩通拉木山東南  
行至今沙江之西喀木之北而東總名爲三危今青海南  
界已至巴薩通拉木山是三危山皆在青海實當屬古雍  
州但今青海界猶未及黑水亦不過稍南兼西藏一綫地  
耳是則黑水爲今怒江南行至緬甸入海所謂入於南海  
者也漢益州郡地得及不韋今爲永昌府正怒江之所經  
故益州有黑水祠以望祭之非爲過矣而鄭氏云中國無  
者地在極邊稱名或異人鮮能舉也至又曰黑水出其南

脇亦見其恂恍矣且禹導河積石胡氏以爲非龍支之積石則可知導黑水至三危亦非卽敦煌之三危矣何則禹既導河至河首之大積石則已歷三危之二又豈舍一嶺遂憚勞而不復深入哉苟不深入又何以導黑水至於三危哉然則雍州黑水言其源也梁州黑水言其委也三危既繫於雍州雍州之界訖於黑水之北則包今青海而奄有今西藏東北地矣梁州之界訖於黑水之東則有今喀木之東自雲南以下逮越南暹羅緬甸而皆爲梁州之域矣故堯典言宅南交卽今越南古交趾也周書鬲微彭濮今濮夷雲南爲多錯處及於緬甸亦皆古時梁州夷也蓋殷周之世已多異禹迹岐豐周故都旣已與秦則亦以爲夷狄此屈子所以不知黑水三危也何況後世畫地自守哉知此則梁州黑水可無疑矣而亦無疑於雍州矣所難

明者禹既導河至於河首又歷其南並越金沙江源而導黑水則何不以金沙江爲江源而導源於岷山舍遠而取近此所難明者也意者禹導江止自岷山而於其遠源未嘗及導故記江卽始岷山而金沙江之水旣入岷江卽可以岷江括之歟漢水亦曰漾亦曰沔經所言也亦曰沮漢志所言也導源始於岷冢當在今沔縣以北略陽以東甯羌以西之地其西岷冢爲潛水所出經不言導潛也則亦置之可也或謂西漢水古本通漢其別出爲潛今未得其處不敢言也而桓潛皆貢道浮於潛逾於沔則潛沔不通明矣禹時貢道自桓而來則沿潛自江而上則沔潛其逾河處必在甯羌慶元之地自此歷褒城北郿縣西上下古褒斜水以入涇矣江漢順軌而後岷岷藝沱潛道此舉其首則四體自安也蔡蒙旅平蔡蒙一山猶縈播一水也今

蒙山在雅安名山蘆山等縣北人邛州今名山縣卽西魏  
蒙山所改縣以山名也和夷卽桓水之夷也桓和聲同矣  
西傾在今岷州西入青海東界也

梁州今地分列

陝西省商州直隸州北有洛水入河南盧氏縣南有丹江  
入河南南陽府州城在丹水北領四縣雒南洛水所出山  
陽在丹水西有甲河入漢水商南在丹水北鎮安在山陽  
西有洵河入漢

西安府孝義廳洵河出其北入鎮安甯陝廳在孝義西南  
有子午河入漢

興安府安康縣倚漢水貫府中合洵水甲河水付城在漢  
南領二廳六縣石泉在漢水東紫陽在漢水北漢陰在紫  
陽東北磚坪廳在漢水南平利在府南洵陽在府下游漢

北海河口白河在洵陽東漢南甲河對岸

漢中府南鄭縣倚漢水出其西貫府中台沮水褒水折南合子午水而東西漢水在其西府城在漢北褒水東領三隴一州八縣甯羌州漢水所出沔縣沮水所出留壩廳褒水所出褒城在褒水西城固洋縣皆在府東漢北佛平廳在洋縣北西鄉在漢南洋縣南有水入四川保甯府定遠廳在西鄉南鳳縣有故道水入甘肅秦州略陽在西漢水東

甘肅省秦州直隸州兩當縣在鳳縣西徽縣在兩當西渭河南

階州直隸州西漢水白水江所經下流並入四川保甯府州在白水江南領二縣成縣在西漢水南文縣有毛溝河自四川松潘廳來經縣北東入白水江

湖北鄖陽府竹谿縣堵水出其西東流折北入漢竹山在堵水北房縣在竹山東南又鄖西縣甲河西境

四川省成縣龍茂道治成都府成都華陽倚江水經其西  
湔江經其東合緜水入資州領三州十三縣灌縣在江  
湔出其南崇甯在沱北新繁新都金堂皆在湔北什邡在  
雒水西漢州在雒西東有緜水來會雒水至金堂會湔簡  
州在金堂下游雒西彭縣在崇甯東北郫江亦出自灌口  
經府南而西仍入大江郫在郫江南溫江雙流皆在郫江  
新津在雙流西南大江西崇慶州在新津西北大江西  
龍安府平武縣倚涪江貫府中東流折南東南有潼水並  
入緜州府城在涪江北領四縣江油彰明俱在涪西石泉  
在江油縣西

緜州直隸州涪江貫州中緜水經其西入成都府潼水經

其東入潼川府領五縣梓潼在潼水東安縣在州西北羅江在州西南縣水東綿竹在縣水西西又有雒水入成都府德陽在縣水雒水開

茂州直隸州江水貫州中湔水出其東南入縣州爲縣水領一縣汶川在州西南江水東

理番直隸廳前爲雜谷廳有雜谷河經廳城北而南至茂州入江西有梭磨河又西有大金川合流入懋功廳

懋功直隸廳乾隆時爲阿爾古廳大金川也美諾廳小金川也二川合流下入雅州爲大渡河懋功廳在小金川北松潘直隸廳江水所出江源北恒水所出入甘肅階州亦曰白水河其西湔水所出今下游名大金川廳在大江西雅甯嘉眉邛道治雅州府雅安縣倚大渡河在府西又橫列其南青衣水出府西北經府城北東南流並入嘉定府

領一州五縣蘆山縣青衣水所出天全州在青衣江西名山在蘆山東南青衣江北榮經在府西南青溪在榮經西南

打箭爐直隸廳大渡河在其東鴉龍江在其西入甯遠府又西有金沙江入雲南中甸廳

靖西關直隸廳

甯遠府西昌縣倚南有金沙江自東折北過雲南昭通府地復入境東入敘州府西有鴉龍江合安甯河南入金沙江府城在安甯東領一廳一州三縣冕甯安甯河所出卽古孫水鹽源在鴉龍河西會理州在金沙江北越嶲廳水東北入嘉定府大渡河

嘉定府樂山縣倚大江貫府中大渡河在其南折北青衣水西北來過府城南合流入大江領一廳七縣洪雅夾江



皆在青衣江北峩眉在府西南大渡河西峩邊廳在大渡河南犍爲在大江西榮縣威遠皆在大江東犍爲東北資州井研縣東

眉州直隸州大江經其東領三縣州城及彭山縣青神縣俱在大江西丹稜在州西南

邛州直隸州邛水卽古僕千水出州西東流至新津縣入江領二縣大邑在州東北蒲江在州南

敘瀘資道敘州府宜賓倚大江東南流金沙江西北流折東北自府南至府城東來會南有石門江北入金沙江東南有南廣水北入大江東有雒江入瀘州領二廳十一縣屏山縣在馬湖江東金沙江北馬邊廳在府西北嘉定府犍爲縣西筠連高縣在南廣水西慶符珙縣長甯興文俱在南廣水東南溪在府下游大江北富順在雒江西隆昌

在雒江東雷波廳在金沙江北馬湖水出其西北南入金  
沙江

瀘州直隸州大江貫州中雒江自州北而東南入江納溪  
水自其南北入大江赤水河自其東亦北入大江州城在  
江北雒口領三縣江安在大江南納谿在大江南納谿水  
口合江在大江南赤水河口

敘永直隸廳納谿水出其南北入瀘州赤水河繞廳境自  
西而南而東折西南入貴州遵義府界復東北入瀘州廳  
城在納谿水東領一縣永甯在納谿水西

資州直隸州雒江貫州中南入敘州府州城在雒江東領  
四縣資陽在州上游雒江西內江在下游雒江西仁壽在  
資陽西井研在仁壽南

保潼順道治保甯府閬中縣倚嘉陵江在西南入順慶府

東有宕渠水入綏定府府城西及南倚嘉陵江領二州七縣廣元在嘉陵江東昭化嘉陵江白水江所會縣在江西劍州在昭化西南蒼溪在府北嘉陵江東南部在府南江西南江宕渠水所出巴州在宕渠水西通江有巴江上承陝西西鄉縣水西南入宕渠水

潼川府三臺縣倚涪江貫府中入重慶府府城在涪江西領入縣中江縣在府西射洪遂寧皆在府下游涪江西樂至在遂寧西安岳在遂寧西南鹽亭遂溪在涪江東

順慶府南充縣倚嘉陵江貫府中東有宕渠水俱入重慶府府城在嘉陵江西領二州六縣遂州在府北嘉陵江西西尤在遂州西營山在嘉陵江東儀隴在營山北岳池在營山西南廣安州在宕渠西鄰水在宕渠水東

重慶綏忠西道治重慶府巴縣倚大江貫府中嘉陵江至

府北東合宕渠水西合涪江而南流入江烏江水自其東  
北流入江府城在江北嘉陵江口領一廳二州十一縣江  
北廳在江北嘉陵江東府城對岸定遠在嘉陵江西合州  
在嘉陵江西涪江口銅梁在合州西南涪江南大足在銅  
梁西南璧山在合州南嘉陵江西永川在府西榮昌在永  
川西江津在大江南綦江有綦江水上游貴州桐梓縣水  
北入江南川在綦江東烏江西長壽在府下游大江北有  
龍溪經其東入江涪州在長壽東大江南烏江口  
夔州府奉節縣倚大江在府城南領六縣萬縣雲陽在府  
上游大江北開縣在萬縣東北大甯巫溪水出其西北巫  
山在府下游大江北巫溪水自其東入江

綏定府達縣倚宕渠水在其西入順慶府東關水出其東  
北西南流經府城南而西入宕渠水領一廳六縣太平縣

東關水所出東鄉在東關水西新甯在東關水東渠縣在宕渠水西大竹在宕渠水東城口廳在府北有水出其東南西北流經廳西折東北至陝西紫陽縣入漢

忠州直隸州在大江北領三縣鄆都在州上游大江北梁山在州西北有龍溪西南流墊江在龍溪西下入重慶府西陽直隸州彭水縣在烏江東江下入重慶府黔江縣有阿蓬水自湖北施南府來西入烏江

石碛直隸廳西北與忠州分大江

雲南省雲武道治雲南府昆明縣倚滇池在府城南西出折北經府西入武定州爲可渡河嘉利澤在府東北北出曲靖府爲車洪江卽古臘涂水也九渡河在府西南下入臨安府領四州七縣晉甯州在滇池南昆陽在滇池西安甯富民在可渡河西羅次九渡河所出祿豐在九渡河南

易門在九渡河東有易江入九渡河呈貢在滇池東宜良  
湯池水入潞江府南盤江嵩明州在嘉利澤西北

武定直隸州金沙江在北東有可渡河西有龍川江並北  
入金沙江領二縣祿勸在可渡河西元謀在龍川江東  
大楚永麗蒙永道治大理府太和縣倚洱海在其東金沙  
江經其東北與永北廳分江禮社江亦曰河底江卽古糜  
水出其東南西有漾備江又西稍北有關滄江又西北有  
怒江領四州三縣雲龍州在關滄江東浪穹縣鄧川州在  
府上游漾備江東賓川州在洱海東趙州在洱海東南雲  
南縣有青龍海禮社江所出

楚雄府楚雄縣倚北有龍川江入武定府金沙江在其北  
及東北西南有禮社江入元江州領三州四縣鎮南州龍  
川江所出廣通在府下游龍川江南定遠在龍川江北姚

州青蛉水所出下游曰大姚河大姚縣在水西東北入金  
沙江南安州在禮社江北

永北直隸廳金沙江自其西南橫互而南西南與麗江府  
大理府分江南與楚維分江西有無量河入金沙江

麗江府麗江縣倚金沙江貫府中經府北折南入永北界  
府城在金沙江南領二廳二州一縣鶴慶州在府南劍川  
州在鶴慶州西北中甸廳在府西北金沙江源自西藏來  
下流入本府境維西廳在瀾滄江東漾備江自廳南分瀾  
滄江南入大理府怒江又在其西並流入大理府東南有  
禮社瀾陽江並東南入蒙化廳

蒙化直隸廳東北有禮社江西有陽江水入之漾備江又  
在其西入順甯府把邊江出其南入景東廳  
永昌府保山縣倚東北與大理府分漾備江瀾滄江經其

東入順甯府怒江經其西龍川江大盈江均出其西並入  
緬甸界領二廳二縣永平在潞滄江東龍陵廳在龍川江  
東騰越廳在大盈江東

曲東昭潞廣道曲靖府南甯縣倚南盤江出其北經府城  
東而南折西又南入潞江府屈曲繞廣西州復入府東南  
隅東入廣西泗城府貴州興義府界北盤江出其北東入  
貴州大定府領六州二縣宣威州北盤江所出霑益州南  
盤江所出陸涼州東有中延澤南盤江入澤西出經縣南  
西入潞江府平彝縣北有宛溫水入北盤江南有塊澤河  
合九龍江入南盤江羅平州在九龍河南尋甸州有車洪  
江北入東川府馬龍州在府西車洪河南

東川府會澤縣倚金沙江在其西車洪江在其東流出貴  
州大定府界復入境爲牛欄江上流與曲靖分江下流與



昭通府分江西北流入金沙江領一廳一縣府城及巧家廳均在金沙江東

昭通府恩安縣倚西與四川甯遠府北與四川敘州府分金沙江八仙海在府南西出北流爲酒魚河至敘州府爲石門江赤水河出其東入四川敘永廳南廣河出府東北入敘州府領二廳一州二縣魯甸廳在八仙海西大關廳在酒魚河東永善在酒魚河西鎮雄州赤水南廣河所出設江府河陽縣倚南盤江經其東南入臨安府南有撫仙湖合星雲湖水東入南盤江領二州二縣路南州在南盤江東江川在星雲河東北新興州有玉溪入臨安府爲曲江

廣西直隸州西與臨安府分南盤江折北經州南而東復北繞州境入曲靖府界州西有瀑布河西南流入南盤江

領三縣師宗在州東北彌勒在瀑布河西邱北在南盤江  
南

普鎮元景順道治普洱府甯洱縣倚東有把邊江合阿墨  
江入臨安府西有瀾滄江合彬江永龍河入越南暹羅界  
領三廳一縣他郎廳在阿墨江東思茅廳在府南威遠廳  
在彬江西

鎮沅直隸廳把邊江經廳東入普洱府廳有水入普洱府  
爲彬江

元江直隸州禮社江合九渡河經州北而東龜樞河在其  
東並入臨安府領一縣新平在龜樞河西

景東直隸廳把邊江在東猛統河出其西南入鎮沅廳西  
有瀾滄江入普洱府

鎮邊直隸廳東與普洱府分瀾滄江下流仍入普洱府西

禹貢九州今地攷

卷二

五

有永龍河亦入普洱府

順甯府順甯縣倚瀾滄在其北漾備江南來注之折南與景東分江有南汀河出府東南北流復屈曲西南流經永昌府界入緬甸領一廳一州一縣府城在瀾滄江南緬寧廳在南汀河南雲州在府東瀾滄江西

臨安開廣道臨安府建水縣倚禮社江在其南東南有白期河並下流入開化府南又有把邊江下流入越南爲孫博江西北有九渡河亦曰丁癸江入元江州東北有南盤江曲江在府北東注之異龍湖水繞府城西及南而東折北爲樂蒙河入南盤江下流入廣西州領三州五縣巒峨地在雲南楚雄激江元江間曲江西河西通海甯州皆在曲江北石屏州在異龍湖西阿迷州在樂蒙河西蒙自在白期河西

開化府文山縣倚西南有禮社江合白期河入越南爲富  
良江盤龍河出府西屈曲東流經府北折南復經府東而  
南入於越南領一廳一縣安平廳在盤龍河西

廣南府寶甯縣倚南盤江經其西北與廣西州分江西洋  
江出府西北南流折東入廣西泗城府復南流入境合者  
郎河折東入廣西百色廳領一廳一縣富州廳在者郎河  
南

貴州省貴陽府貴筑縣倚烏江經其西北而北合清水江  
東入平越州南有濛江合巴盤江入盤江下流入廣西慶  
遠府領一廳三州四縣龍里在府東南清水江所出貴定  
在龍里東北清水河東開州在府城東北清水河西修文  
在府西北定番州濛江所出羅斛廳在定番南濛江東廣  
順州在定番州西

遵義府遵義縣倚南與貴陽府分烏江西北有渭河與大  
定府界卽古黠水也又湘江經府城東東合樂安永西南  
流俱入烏江東北有芙蓉江流入四川重慶府界入烏江  
卽古營水也北有松坎河下流入四川綦江縣爲綦江西  
北界赤水河下流入仁懷廳領一州四縣綏陽樂安江所  
出正安州芙蓉江所出州在江西桐梓松坎河所出亦有  
馬跡河西入赤水河仁懷縣在赤水河東

仁懷直隸廳在仁懷縣北赤水河經廳南繞其西東北入  
四川瀘州

平越直隸州甕安縣在烏江南湄潭縣在烏江北西界樂  
安河北有離支水入樂安河餘慶縣跨烏江下入石阡府  
西與甕安中隔黃平州西北地

石阡府在烏江南包溪出府南經府北折東北至思南府

入烏江領一縣龍泉在烏江北清江溪出其西東南入烏江府縣中包有思南一帶地延袤至於鎮遠

思南府安化縣倚烏江貫府中北流入四川西陽州西有洪渡河亦流至西陽州地入烏江東有思邛江東北有三岔河皆入烏江領三縣婺川在洪渡西邛江在思邛江北大定府北界赤水河七星關河出其西南卽古之漢水鴨池河又在其南卽古延水東流折南經安順府界復流入境合七星關河爲烏江東南與貴陽府分江折東仍入貴陽府領一廳三州一縣府城東黔西西畢節均在七星河北平遠州在七星河南威甯州七星河所出水城廳鴨池河所出

安順府普定縣倚北有鴨池河西南有北盤江與興義分江下流入興義府領一廳二州三縣清鎮安平在府東北

鎮甯州在府西南郎岱廳永甯州俱在北盤江東

興義府南界南盤江東界北盤江復經府境中合流入貴陽府界領一州三縣貞豐州在府北北盤江西興義縣在府西安南普安縣俱在府西北北盤江西

普安直隸廳在普安縣西

廣西省泗城府凌雲縣倚南盤江自雲南曲靖府東南隅來北與貴州興義府貴陽府分江復會北盤江入慶遠府西洋江自雲南廣南入境復南入廣南府府在南盤江南領一州二縣西隆州在南盤江南西林在府西西隆西南西洋江北

百色直隸廳西洋江自廣南府來經廳城南入鎮安府

鎮安府天保縣倚西江經府西北入思恩府浚湟江上承歸順州水東流經府城南折北入西洋江領一州一縣奉

議州在西洋江南

太平思順道太平府崇善縣倚鬱江出歸順州流經越南故七源州東南流至府西龍潭水出府南西流亦經越南地復屈曲北流而東來會又東合明江邏水經府城南北入南甯府領一廳四州一縣龍州廳在鬱江北南對龍潭水口明江州上承思恩廳水州在江北甯明州在明江水西左州在府北邏水東養利州在邏水北歸順直隸州邏水所出其西鬱江所出東南流經越南復入太平府其西復有德窩水流入越南領一縣鎮邊德窩水所出

越南邏羅緬甸關

雍州

雍州東起華山西北盡沙漠陝甘青海諸地水以河爲大



導河積石今青海巴顏喀喇山也龍門西河已見冀州攷  
今河自青海流出甘肅西甯府東經蘭州府折東北入甯  
夏府繞出西套蒙古鄂爾多斯之東北流入山西五原廳  
至托克托廳復折南爲古西河書言西河亦主帝都而言  
也河自此南流直至華陰始折東入河南陝州爲古南河  
華陰今潼關廳在華山之陰也渭水出今甘肅蘭州府烏  
鼠山東流經隴西府秦州至陝西鳳翔府合汧水又東至  
西安府北合豐水霸水北合涇水又東經同州府北合洛  
水卽漆沮水也遂入於河是曰渭汭矣當時貢道一由洛  
一由河故曰會於渭汭也案雍州水皆入河其不入河者  
惟弱水黑水經言弱水旣西又言導弱水至於合黎餘波  
入於流沙今甘州弱水西流至肅州合洪水河釋者謂卽  
古合黎北流入居延海釋者謂卽古流沙今甘州府弱水

西流誠然而肅州北流似稍與經文未合疑當時合黎爲大澤猶在今洪水之上弱水實鍾於此其餘波乃入於流沙猶豫州之導潁澤被孟豬也導黑水說已見梁州荆山今在西安府富平縣岐山今在鳳翔府岐山縣終南今在西安府南棹物今在郿縣卽太白山也禹旅山言荆岐旣旅是在渭北先東而後言西終南棹物至於鳥鼠是在渭南亦先東而後西導山言導汧及岐至於荆山西傾朱圉鳥鼠至於太華則先西後東次序不同隨山則自高臨下旅祭則自近及遠也汧今鳳翔府隴州吳嶽山也朱圉釋者謂在隴西伏羌縣西南渭水之南宋呂氏已言朱圉當在鳥鼠山西近胡氏又疑經元作鳥鼠朱圉茫莫能明然言至於太華則是亦包棹物終南在內也緒野今在涼州府三危亦見梁州織皮鄭氏於梁州織皮連西傾讀言織

皮西戎之國也西傾雍州之山也但釋桓爲隴坂名其道盤桓旋曲而上竊謂若如鄭說則西戎何不自洮入河且既不憚隴坂盤曲則卽浮於積石可也經於梁言西傾而雍梁皆言織皮鄴於雍州又言衣皮之民元居此崑崙析支渠搜三山之野者皆西戎也蓋織皮當是西戎部落有在西傾南者則道桓水有在西傾西北三山之野則浮積石故西傾漢志言在臨洮今驗其山西入青海其水皆入黃河南入四川其水皆入白水江北入甘肅其水皆入洮河則其東支實卽岷山北峰朱圉烏鼠卽由此得脈也山凡繇互千餘里其西則河曲爲析支矣崑崙今在巴顏哈喇山之西卽托古茲達坂也渠搜關總當爲西戎故曰西戎卽敘案此實卽三危之地其地本西戎所居自舜安置三苗於此其後種裔爲羌日以強盛遂舉戎地而爲羌所

有耳

雍州今地分列

陝西省西同鳳道治西安府長安咸甯倚渭水貫府中豐  
水在其西霸水在其東西北又有涇水府在渭南領二廳  
一州十五縣蓋屋在渭南鄠縣豐水出府城南經縣西藍  
田霸水所出縣在水北臨潼渭南皆在渭水南霸水東興  
平咸陽在渭北醴泉在咸陽西北涇水西涇陽在涇水北  
高陵在渭北涇東三原在高陵西北富平在三原東北耀  
州在三原北同官在耀州東北孝義甯陝廳別入梁州  
同州府大荔縣倚黃河界其東渭水在其南洛水自西北  
而東南府城在一水北領一廳一州八縣白水在洛水西  
白水河自同官縣來卽古漆水經縣南東入洛蒲城在白  
水南洛水西澄城在洛水東韓城邵陽朝邑均在黃河西

華州華陰在渭水南潼關廳在黃河南

鳳翔府鳳翔縣倚渭水在府南汧水出府西北東南入渭  
領一州七縣隴州汧水所出汧陽在汧水東寶雞岐山扶  
風皆在渭水北麟遊在岐山東北郿縣在渭水南  
乾州直隸州東北與邠州分涇水領二縣永壽在州西北  
武功在州西南

邠州直隸廳涇水自甘肅涇州來經州城東東南入西安  
府領三縣長武在涇水西三水涪化在涇水東

鄜州直隸州洛水合沮水下流入同州府領三縣中部沮  
水所出縣在沮北洛西宜君在中部南洛西洛川在洛東  
延榆綏道治榆林府榆林縣倚黃河界其東者延河亦曰  
無定河白邊牆外流入合帝延水流入綏德州秃尾河卽  
古同水自其東北入黃河屈野水又在固水東北東南流

入黃河府城在帝延水東領一州四縣懷遠在無定河南  
葭州在黃河西禿尾河南神木在屈野河東府谷在神木  
東北黃河西

綏德直隸州黃河界其東無定河貫州中經州城東南流  
折東入黃河領三縣米脂在無定河東清澗在無定河西  
吳堡在黃河西

延安府府施縣倚黃河界其東洛水在其西北下流入鄜  
州延水卽古翟筋河在其東北入黃河秀延水又在其東  
北東經綏德州界復南入境東入黃河府城北臨延水領  
十縣定邊洛水所出保安甘泉在洛水東靖邊延水所出  
安塞在延水東延長在府東延水北安定秀延水所出延  
川在秀延水西宜川在府東南黃河西

蒙古套內鄂爾多斯七旗闕

甘肅省蘭州道治蘭州府皋蘭縣倚渭水出其東南黃河  
屈曲貫府中洮河在其西祖厲河在其東并北入河湟水  
自其西而南入河府城在黃河南領二州四縣渭源渭水  
所出狄道州在洮河東河州在黃河南洮西靖遠在祖厲  
東黃河南金縣在府東南

西甯道治西甯府西甯縣倚黃河自青海流入湟河亦來  
自青海並入蘭州府大通河卽古閣門河亦自青海來流  
入涼州府府城在黃河北領四廳三縣貴德廳循化廳俱  
在黃河南巴燕戎格廳在黃河北碾伯縣丹噶爾廳在湟  
北大通縣在丹噶爾北大通河南

鞏秦階道治鞏昌府隴西倚渭水貫府中洮水自青海來  
經其西入蘭州府府在渭水西南領一廳一州七縣洮州  
在洮水北岷州在洮水南甯遠伏羌在渭水北通渭在府

東北安定在府西北會甯在安定東北獨西河一縣在秦州階州中爲華離地西漢水經縣西東南入階州秦州在隴州西漢水出其西南入西和縣東南有故道水仍至漢中府入西漢水渭水貫州中隴水自其東入渭水州故在渭水南領五縣禮縣在西漢水西清水在渭水北秦安在隴水東餘兩堂徽縣別見梁州

平慶涇固道治平涼府平涼縣倚涇河在府城北入涇州隴水亦名瓦亭河合苦水河經府西南流入秦州領一州三縣華亭在府南隆德隴水所出靜甯在隆德西南隴水東

化平直隸廳在府城隆德縣間

慶陽府安化縣倚環河亦曰馬嶺水經府城西及南南流至陝西邠州入涇水領一州四縣環縣環河所出合水在



府城東甯州在環河東正甯在甯州東南

涇州直隸州涇水經州城北東入陝西邠州領三縣鎮原在涇河北崇信在州西靈臺在州東南

固原直隸州清水河亦曰甜水河出州城西北流入甯夏府領二縣海城在清水河西平遠在清水河東

甯夏道治甯夏府甯夏甯朔縣倚黃河東流折北經府城東而北清水河在府南西入黃河領一廳一州四縣中衛在黃河北靈甯廳在黃河東靈州在靈甯北黃河東平羅在府北河西

甘涼道治涼州府武威縣倚有金塔渠東流至府東北爲白亭海卽古豬野非酒泉之白亭海也湟水自其南東入蘭州府大通河自其西南會湟河府城東倚金塔渠領五縣古浪在府城南平番在古浪東南鎮番在府東北永昌

在府西北

甘州府張掖縣倚弱水在府城北領二縣刪丹弱水所出  
安肅道治肅州直隸州弱水自州東而北洪水河出州城  
東南領一縣高臺在弱水南

安西直隸州有疏勒河西流合鳴沙河入哈拉淖爾領二  
縣州城在疏勒河南玉門在疏勒河東敦煌在鳴沙河東  
蒙古阿拉善

青海及西藏北地均闕



揚州

湖北黃州府蘄州在大江東北白河縣南廣濟武山湖在其南白河在其北黃梅泥河在其東白河在其北此條宜補入揚州安慶府下

湖北武昌府興國富水在其南大江在其西北大江在其西至湖在其南此條宜補入揚州九江府下

荊州

廣西百色直隸廳此條宜補入荊州楊慶思百道後

雍州

階州直隸州別入梁州此條宜補入雍州鞏秦階道後

校刊姓氏

門人曾 晉字泰笙

門人曾士璋字師仲

門人申憲文字景高

門人覃叶炭字菲生

門人禹 貢字澤涉

門人胡贊猷字翼垣

姻姪禹彝叙字騰仙

世姪申憲章字祖堯

族人曾 厚字樹年

門人曾傳鵠字雋侯

門人曾傳誦字定宇

門人曾夏僖字常根

門人曾

門人曾廣沂字詠春

門人彭 蘊字固安

門人陳繼中字伯庸

門人陳繼修字叔文

覆校姓氏

門人曾士琮字季凝

門人曾夏榮字炳森